

中國文學名著

冷紅日記

吳綺緣著

中原書局出版

錦章書局經售

著名學文國中

冷紅日記

冷紅日記

中華民國廿五年十月重版

有著作權
不准翻印

定價減實售國幣一角五分

外埠遠近酌加郵運費

著者 吳綺緣

評閱者 徐枕亞

出版者 中原書局

上海河南路交通路七九號

發行者 中原書局

外埠經售處 錦章書局

北平 廣州 長沙

成都 漢口 各埠

總經售處 上海棋盤街錦章書局

冷紅日記目錄

一	元旦
二	元宵
三	花朝
四	二月十三日
五	二月十四日
六	三月二日
七	清明
八	三月三日
九	三月十四日
十	三月十五日
十一	三月十九
十二	三月二十九

十三	四月初五
十四	四月十二
十五	四月二十
十六	四月二十七
十七	端午
十八	五月十九
十九	五月二十八
二十	六月六日
二十一	六月十八
二十二	七夕
二十三	七月二十
二十四	八月朔日

冷紅日記目錄

二十五 八月五日

二十六 中秋

二十七 八月十六

二十八 八月十八

二十九 九月一日

三十 重陽

三十一 九月十八

三十二 十月三日

二十三 十月十九

三十四 十一月十日

三十五 十二月十八

三十六 十二月二十三

三十七 除夕



冷紅日記

吳綺緣著

是稿余得之敗簾。泰半殘缺。緣就已意足成之。多所損益。然大致未背原意。紙角有猩紅小印。署名冷紅女史。想卽原作者芳名也。情節平淡。無奇。惟小兒女一笑一顰。皆有眞性情。發現細加玩索。頗可解頤。晴窗無聊。戲艸錄一過。付諸剞劂。蓋亦說部中之別調也。

(一) 元旦

昨宵失眠。疲困異常。一枕黑甜。不知東方之既白。香夢初迴。忽爲街頭鑼鼓聲所驚。矍然以醒。則日色遲遲已透入茜羅之幔。斜射鏡台。脂奩粉匣。爲陽光所逼。十色五光。離奇可愛。徐掌幃起。小婢綠芳。以金盆盛水進。新易緋色之衣。髻綰紅花。嫣然向余賀新禧。余笑領之。綠芳遂開鏡匣。助余理妝。代挽新流行之樓鳳髻。亦簪以紅絨花。且啓篋出新衣一襲。授余。色至綺艷。余固嗜雅淡。素惡傅脂粉。衣羅綺。嘗謂女兒家清白面目。都爲汚盡濃綠深紅。徒增其醜。特今日爲歲首。堂上椿萱多仍宿習。故亦勉衣之。且稍加膏沐焉。

妝束甫罷。弱弟忽挾乳媪來。纔呀呀學語。嬌態可掬。余授以果餌。勿受。強牽余衣行。因隨之赴堂前。余父若母已先余在。余趨前慶祝。阿母欣然挽余起。韻文妹亦在側。笑顧余曰。姊起何晏也。勞妹等盼煞矣。余曰。昨宵鄰家爆竹聲連綿。未絕聲若裂帛。殊足擾人清夢。益以牀頭鼠子角逐中宵。欲得一二乾果藉解饑吻。栗落勿已。余輾轉牀褥。迄未能成寐。至今猶有餘倦也。語未已而席設。家人咸團聚一堂。柏葉浮觴。椒花獻頌。春風拂拂。笑語喁喁。極天倫之樂趣。阿父旋出訪客。阿母亦歸甯舅家。瀕去囑余曰。設有客來。汝姊妹其爲我招待。幸勿嬌惰作高枕臥也。余等笑諾之。

兀坐苦無聊賴。遂與韻文妹剪彩爲花。徧賜諸婢。鉤心鬪角。各逞巧思。忽遙聞笑語。喁聲綠芙趨入報客。至余與文妹出迎。蓋卽薛氏瑤英。陳家綺雲及清芬從妹也。年適相若。皆係璇閨采伴。時相往還者。寒暄纔畢。余笑顧客曰。君等尙未能免俗。瑤英曰。判袂一旬。相思靡甚。爰藉此舉來訪女相。如耳。余曰。妹何敢當此雅號。殊忤煞人。清芬起曰。吾儕其毋負此大好良辰。盍及時行樂歟。余曰。出遊則十丈軟紅。何來清趣。聯吟則枯腸搜索。有類酸丁。盍亦效流俗擲狀元紅以下一歲休咎。衆應曰。善。遂命婢攜牙骰。

六枚及磁盆來。遂各納公注若干綺雲。擲得全緋。所獲無算。白磁盆裏頓現粒粒新紅。豔麗可愛。衆大譁笑。余戲曰。綺妹何相思之甚也。衆駭問故。余曰。否則何拈來如許紅豆耶。瑤英曰。否。綺姊年已及笄。于歸在即。殆預作此吉兆以示之他年嫁得畫眉郎。幸勿忘今日同堂之舊侶也。衆皆莞爾。綺雲羞不可仰。詈曰。能輸却幾許阿堵物。便作如許態。吠影吠聲。肆口譏人。阿儂亦勿屑與若輩辯。異日三寸丁香或潰爛不治。始悔口角之犀利已無及矣。韻文妹曰。綺姊急矣。其勿作譎言以逢彼怒。余其爲魯仲連爲諸姊解紛可也。

新春晝短。霎時間。萬家燈火。諸姊皆起辭。余與文妹堅留之。小備肴酌。藉佐清談。分曹射覆。蠟燈搖冷。燄之紅。隔座送鉤。螳酒貯新醅之綠。其樂陶陶。惜盛會不常。良辰難再流光催我。倏已夜闌。諸友咸忽忽別去。堅訂後會之期。約以是月元宵再作團圓之集。余送客已返室內。案頭小金鐘適鐸鐸鳴。二下。綠芙紅萼已先後睡去。余苦渴。然勿忍擾之。自起煎碧螺春。一盞聊解宿醒。時几上燭奴忽結花如豆。光華閃爍。人言燈花主吉祥。雖不稽之談。然余家椿萱並茂。弟妹長成。門庭肅雍。方興未艾。此花之來。殆亦有

因也。燭傍水仙數枝。清芬襲人。檀心剪雪。玉面淩波。彷彿若水中仙子。江上靈妃。縞衣素裳。亭亭玉立。余素愛之。視若畏友。因移置床頭。滅燭就寢。猶微聞一縷幽香。迴旋未散也。

(二) 元宵

今日氣候溫和。風暄日麗。寒威纔斂。酷似三春。晨妝方畢。覺稍有不適。然仍赴堂前。定省。蓋爲兒女者。未能報撫育之劬勞。當亦勉承色笑。何可因癰疥小疾。重累堂上之憂。以自取罪戾哉。吾母素憐余。撫余頂曰。兒色何不豫。得勿病歟。余答曰。偶失眠耳。當無大礙。復縱談家庭瑣屑事。良久。視母有倦意。遂辭出。偕綠芙赴園林散步。綠陰深處。藉吸清靈之氣。胸膈頓蘇。不禁大快。牆陰綠萼梅數株。含苞未放。玉容清臞。丰韻別饒。冰蕊古香。那堪辜負。遂親折一枝。歸貯瓶中。藉供清玩。韻文妹素精繪事。見獵心喜。立染翰作梅花。余則漫誦漱玉斷腸諸集。以消永晝。窗明几淨。裊無纖塵。鳥語花香。都含樂意。良久。廢書起。韻文妹已繪竟。老幹橫斜。疎枝低亞。儼然一幅羅浮仙小影也。爰鑲以鏡框。懸之壁間。亦一絕妙裝飾品也。

新春日短。夕陽西斜。余姊妹連袂出外。散步廳事中。諸僕懸燈燃燭。躑躅殊碌碌。惡其繁瑣。遂舍去。蓋吾父交遊素廣。適屆公餘之暇。遂假三五良辰。敬具團圓之宴。冠蓋如雲。羣賢畢至。頗極一時之盛。余素厭繁華。心耽岑寂。緣置酒園中。蟾華亭。招閨友數人。小酌。妙語解頤。清談佐酒。少焉月出自東。一白千里。影橫玉格。光射朱欄。增人清興。不少。余倡曰。今夕何夕。姊妹行。咸羣聚一堂。人間天上。共慶團圓。咸當滿引一觴。爲姮娥壽。衆皆曰。善。適紅蕖攜玉笛來。綺雲擲作梅花。三弄落梅。折柳裂石。穿雲。雖虬龍吟水。孤鴈唳雲。曾不是過。余等復歌以和之。繞梁娓娓。清越異常。一時宿鳥驚飛。盤旋空際。發吭狂噪。似和吾輩。池中小魚。盪水成若干紋。縐投以果核。掉尾逝去。撥刺有聲。初不信。樂之能感及飛潛萬物若是也。時已夜闌。涼風來自樹梢。拂人衣袂。飄然若舞。宿酒爲醒。或曰。時宴矣。吾儕其歸休。幸勿有擾。主人睡思也。遂相繼散。時玉漏已三下矣。

(三) 花朝

東風徧扇。芳草成茵。牆頭嬌杏。紅香欲滴。蓋薄暖輕寒。倏已屆花朝矣。春睡甚濃。爲曲悲賣花聲所驚醒。欲再作黑甜鄉遊。竟不可得。纔褰幃起。綠芙忽進。曰。姑姑醒耶。勞賣。

花。人。久。待。矣。遂。引。之。入。賣。花。者。名。阿。娟。爲。一。方。垂。髻。女。郎。有。父。沈。淪。黑。籍。貧。無。以。聊。生。遂。日。挾。珠。蘭。茉莉。諸。花。在。春。申。江。頭。覓。蠅。頭。以。餬。口。娟。娟。此。多。其。行。堪。嘉。且。丰。神。俊。逸。易。惹。人。憐。以。是。生。涯。頗。不。落。寞。一。家。賴。以。無。凍。餒。憂。余。素。愛。其。嬌。小。而。憐。其。飄。泊。或。以。花。來。必。傾。其。筐。初。不。錙。銖。較。值。也。娟。既。入。室。卽。揚。聲。曰。姑。姑。何。所。欲。此。並。蒂。蘭。數。枝。頃。鉅。自。盆。中。者。特。攜。之。來。試。嗅。之。清。芬。馥。郁。當。可。三。日。不。散。也。此。花。籃。係。攀。柳。枝。盤。結。而。成。雜。以。杏。花。紅。碧。相。間。色。頗。鮮。明。雖。工。作。粗。劣。不。足。供。清。玩。特。姑。姑。當。鑒。婢。子。誠。意。而。晒。納。之。也。余。笑。慰。之。且。授。以。值。娟。嘆。曰。婢。子。閱。人。多。矣。未。有。慈。祥。若。姑。姑。者。私。願。頗。欲。以。身。侍。閨。閣。得。朝。夕。瞻。顏。色。惜。爲。家。庭。所。阻。奈。何。余。笑。慰。之。曰。癡。妮。子。能。自。食。其。力。卽。佳。豈。樂。爲。依。人。籬。下。之。小。草。供。人。呵。叱。耶。

阿。娟。既。去。余。懸。花。籃。於。窗。前。復。分。蕙。蘭。之。半。親。往。貽。韻。文。妹。適。蘭。閨。寥。寂。杳。無。人。聲。惟。聞。簾。前。鸚。鵡。呢。喃。誦。唐。人。小。詩。見。余。至。振。翅。喚。客。來。余。戲。拈。杏。花。擲。之。曰。汝。何。憤。憤。并。我。亦。相。見。不。相。識。耶。遂。詢。諸。侍。婢。始。悉。妹。已。赴。園。中。遂。亦。循。道。往。則。妹。方。偕。諸。婢。剪。紅。綢。作。小。旛。徧。懸。花。莖。委。地。長。裙。滿。沾。朝。露。想。見。文。妹。一。片。天。眞。穉。氣。猶。昔。宛。然。兒。時。情。

况也。因戲之曰：妹起何早，竟勿畏爲曉寒所中，殆恐風雨妒花而代懸長旛十二以護之耶？惜花落，花開自有定數，豈護花使者所可挽留者？韻文笑曰：否否，姊豈忘今日爲百花誕辰歟？此淺淺者，聊爲彼等添妝之需耳。清晨碌碌，妹等已手足俱疲矣。余曰：妹旣倦，當稍憩息。昨日母姨曾遣人來招吾儕往，稍事盤桓，擬以午後行，不識妹亦同意否？文曰：諾，遂別之返室。

午餐旣畢，油壁二乘已久待門側。阿母挈弱弟，余則與文妹同車一鞭起處，絕塵而馳。道經靜安寺路，風景清幽，爲滬上冠。綠楊夾道，間以夷樓一二。西方美人明眸皓齒，壓若桃花，黃金之髮爲微颺所拂，左右飄揚，方挾書囊，緩緩歸來，忻悅之態溢于眉宇，迴顧吾人，終不若其神采飛揚也。得得蹄聲踏花前去，曾不逾時，而姨家在望。此固余舊遊之地，知之殊稔。別來彌月，風景依然，特不識蕙僊、姨妹、蘭閨多暇，作何消遣耳。舍車入內，則姨母等方集堂前，笑逆曰：來何晏也？竟勞我輩望穿秋水矣。又謂余曰：冷兒別來未久，益覺長成。汝蕙僊妹渴想已久，可入內任意暢談，勿拘泥久侍我輩老年人也。蕙妹聞言，率余衣行，且私語曰：彼等所述半家庭間瑣屑事，聞之殊乏味，勿若往我處。

小坐清談。稍敘離衷。與君一夕話。當可撲去俗塵萬斛也。余曰。是何敢者。特吾妹近日作麼。生蕙曰。亦無所事事。惟春色惱人深。閨多暇。無以消永晝。戲效爲唐人小詩。苦未能。工行將爲大雅所哂耳。余索觀之。率清新可誦。因曰。妹質固慧。又復勤學。進步之速。一日千里。頃間諸作。斐然可觀。以姊視之。誠多愧色矣。蕙妹笑曰。小技雕蟲。令人齒冷。且率爾漫塗。殊未盡善。與姊並論。殊有大小巫之判也。

紅豆燈明。綠蕉窗掩。談詩午夜。聽漏丁東。余與蕙妹連牀抵足。娓娓清談。頓却睡思。余告之曰。余家曩固旅武林。西子湖頭。爲我釣遊之地。妹亦深悉。一自移申。三載迄未一返。故鄉塵濁。欲死。明日擬返杭。作數月勾留。飽餐嵐色。湖光療我鬱伊之疾。屈指歸期。當在秋雨秋風菊花香候者。番相會。聊當話別可耳。蕙忽起曰。明聖湖耶。余嘗於夢寐間得之。似覺青峯四疊。碧水一泓。秀麗空明。非復人世。是耶。非耶。幸姊有以語我。余笑曰。是特妹積想所幻耳。西湖之勝。不勝縷述。惟身履其地者。始可得其梗概耳。此次余本擬挈妹同行。庶不寥寂。持恐妹荏弱不耐風霜。姨母素憐妹。恐勿忍任妹長途跋涉。作客他鄉也。蕙哀懇曰。好姊姊。務望挈余同行。余久慕西子湖之名。惜無緣一攬其勝。

今幸有便。自當附驥一擴。見聞願吾姊勿却。且於堂上稍加吹噓。則幸甚。余戲曰。然則何以酬我。蕙狂喜曰。姊誠允我矣。欲求報酬。則妹一身之物。予取予求。可也。嫣然一笑。已作栩栩蝶夢。時黼幃低垂。鴨爐香裊。夜景清幽。萬籟俱寂。余因澄心靜慮。漫遊黑甜鄉裏去矣。

(四) 二月十三

時鐘鳴八下。曙曦入室。射窗隙作玫瑰色。小鳥羣集於紅杏梢頭。啁啾勿已。余既醒。不復能成寐。試覘蕙僊。猶棠睡未醒。綠鬟委枕。鬢雲紛披。香肩微蹙。玉臂橫斜。方喃喃嚙語曰。佳哉。此遊恨未攜攝影器來。一一收入畫圖中也。又曰。是間不啻世外桃源。山中蓬島。吾甯老於是。鄉不復思還矣。余不禁爲之解頤。徐曳之曰。妹又續遊湖舊夢耶。蕙妹矍然醒。啓眸四顧。驚曰。時已晏耶。恐不及啓行矣。余故不之答。惟笑曰。一幅漢宮春睡圖。使人魂也。消惜阿儂。非俏書生辜負良宵矣。蕙遽起呵吾脅曰。故智復萌。又來調侃人耶。余笑拒之。忽韻文率幃入曰。日高三丈。姊等奈何。猶戀睡不起。笑聲吃吃。且達戶外。不識底事。欣喜若此。余告之故。且謂汝蕙姊亦擬同作虎林遊。韻文聞言笑曰。大

好湖山正乏個美人點綴。吾姊此行喜得素心伴侶。當不復患寥寂矣。余曰。尙未稔姨母允否也。蕙僊則倚枕詈曰。有其姊必有其妹。天生貧嘴。竟以阿儂爲消遣物。必有以報也。遂偕出稟姨母。謂欲同作杭行。姨母竟毅然允諾。曰。蕙兒得二甥女同行。固佳。惟渠因嬌養。穉氣猶昔。且未輕閱歷。想甥女等必能照拂之。毋勞老身之諄諄叮囑也。蕙僊聞竟允所請。中心慰甚。不覺喜形於色。遂入內整行囊。去待稍有秩序。蕙僊忽曰。亂頭麤服。何以遠行。曷少浣沐。再行。上道遂挈余赴鏡台。坐開奩。覩裝脂調茜汁。施從樊素之唇。瓣作梅花點。向壽陽之額。淡裝素抹。娟潔宜人。余笑謂之曰。飽餐秀色。我見猶憐。水晶簾下看梳頭。小生何修而得此。今而後差可與西子爭妍矣。蕙曰。勿嚼舌。時間已促。不克久羈。恐有誤車行也。

汽笛一聲。征人千里。余等憑窗坐。閒眺窗外景物。以自遣。遙望遠峯。拖翠。麥浪搖青。南阡北陌。新綠如油。鄉居風景。在在動人。留戀三數野老田夫。躑躅隴畔。葛巾布服。迴井城市。裝誠慙之色。粹於顏面。靄然可親。稚子則牽牛叱豚。徘徊於夕陽影裏。高唱俚歌。和以短笛。爲微風所送。清越可聽。蕙僊快甚。執余手曰。余久困於綺羅叢裏。錦繡場中。

殊乏佳趣。幸不至汨沒性靈。一旦見此清景。不禁有灑灑出塵之想矣。閑談良久。已近黃昏。夕陽返照。嬌媚絕倫。漸隱入彩雲間。而一輪皓月乃大放明光。竟奪盡車中電燈之色。屈指細數路程。瞬可抵杭矣。已而車戛然停。乘客紛紛下。余語蕙僊妹曰。吾儕此來。可寓伯父處。渠性耽幽寂。故築別墅於湖畔。藉娛暮年。結構殊精。竹籬茅舍。丰韻天然。非若他處之碧簾朱檻。霧棟雲甍。徒以富麗勝者想妹當亦樂此也。適有空輿過。余與韻文蕙僊各乘其一。令疾趨勿懈。行行重行行。已達湖濱。余指謂蕙僊曰。此卽妹朝夕懸念之西子湖也。惜暮色冥濛。濃雲蔽月。不克盡觀廬山真面。而湖山位置已略見一斑。當可稍療子漫遊之癖矣。過壓隄橋而西。伯家已在望。粉垣一道。綠竹千竿。窄門短籬。曲溪長徑。儼然隱君子之居也。重門輕叩。彪吠花陰。伯父啓門迎客。驟覩余等。竟疑飛將軍自天上來。立命掃灑高樓。權爲吾等下榻處。且笑謂余曰。汝姊妹奔波大不易。且挈得女友來。可免寂寞。殆未忘我老朽特來相伴耶。可勿亟思歸。其盤桓數月去。我雖老尙矍鑠。當可爲若等嚮導。徧遊六橋三竺間也。余謂之曰。此來本擬稍作勾留。特恐有擾伯父清興耳。晚膳旣畢。伯母謂余等曰。若輩未慣遠行。今日諒已疲乏。樓中

臥具已粗備。可往安寢矣。余等遂告退就寢。

(五) 二月十四

余以車行困頓。夜間迄未稍醒。今晨往覘蕙僊。則金鉤斜曳。流蘇高捲。蓋已先余出。試窺其動作。則方偕綠芙憑欄立。指點湖中風景。喃喃弗絕。津津若有餘味。余微曳之曰。夙願已遂耶。盍少坐久立。恐有苦纖趾也。蕙僊見余歡然曰。妹起已久。視姊清睡方濃。勿忍加擾。潛啓窗。閑眺耳。試觀千峯紫翠。一水明漪。秀逸絕倫。直勿類人間。世彼以人工雕琢成者。雖鉤心鬪角。殊勿直一盼矣。時纔清晨。輕煙薄霧。籠罩湖山。旭日一輪。冉冉自水中出。照耀于大千世界。以時過早。遊人杳然。間有一二漁舟。搖曳於綠楊影裏。上下自如。水鳥之屬。爲櫓聲所驚。振翮羣飛。縱橫湖面。蕙僊語余曰。樂不思蜀。吾甯老於是鄉矣。異日當拓地一弓。卜居於是。竹籬茅舍。亦可自甘。浪跡煙霞。縱情花月。甯勿較勝羈棲軟紅塵裏。飽受濁障汨沒性靈耶。余曰。余何嘗不作是念。特恐人事無常。異日或有所阻礙耳。蕙僊忽曰。大好良辰。豈容辜負。憑窗雖久。終覺管中窺豹。僅見一斑。未能娶妹。欲曷駕言出遊乎。余笑曰。妹胡亟亟爲時過早。遊人絕跡。卽欲出遊。勿慮爲